

Пашам ыштыме пагыт - 90 минут.
Чылаже - 100 балл.

10. **Шинча** (кап-кыл ұжаш) шомак дене кылдалтше калыкмут-влакым возыза. (5 балл)

II.Марий литератур

1. Чын ваимутым ойырен налза. (5 балл)

1.1. «Атаманыч» повестын авторжо:

- А) В.Иванов
- Б) В.Юксерн
- В) В.Сапаев
- Г) Н.Лекайн

1.2. В.Ивановын «Вүдшө келге, серже тура» повестыштыже тўн геройын лўмжө?

- А) Соколов Элыксан
- Б) Ару Эйно
- В) Уланов Ондре
- Г) Уланов Йыван

1.3. Никандр Ильяковын «Латик кролик» ойлымашыжын тўн геройжо.

- А) Витя
- Б) Вера
- В) Толик
- Г) Миша

1.4. Мо тугай гипербол?

- А) Произведенийысе геройын посна койышыжым, предметым, действийым утыждене кугемден ончыкта.
- Б) Эртыше илыш гыч кугу событий.
- В) Айдемын койышыжым, предметым, действийым утыждене иземден ончыкта.
- Г) Ожно лийше чын событийым, но илыш гыч кайыше герой-влакым ончыкта.

1.5. «Пөрт» ойлымашын авторжо.

- А) Ю.Артамонов
- Б) Г.Алексеев
- В) В.Сапаев
- Г) Н.Ильяков

2. Палемдыме ужашым могай произведений гыч налме? Авторжым палемдыза. (2 балл)

«Савак вел веселанак ила. Тушто эрдене кече лектеш – шийым шавалта. Молан гынат дыр Савак марийын пөрт шентел ломберыштыже, корем йымал арамыштыже укшыж еда йўдат-кечат, лым лийде, шўшпык шўшка, молан гынат дыр идым-пече куэж еда, чодыра покшел пўнчыж еда куку мура. Йырваш тўрлө кайык и мура, и шўшка, кенеж гоч эре сўанла веле шокта...»

3. Почеламут ужаш-влак почеш автор-шамычым чын верандыза. (3 балл)

А) Куэрласе кайык деч мый тунемым
Муро семым шўм-кылыш погаш,
Шуйналт вочшо кугу Ышўт семын,
Куанен, илыш дене йогаш.

Йыван Кырля

А) Таче угыч у йўк дене
Тўналам мый чот мураш
Шергылт кайыже мыйын муро
Тўня мучко йырым-ваш

Шабдар Осып

Б) Сылне мурым тек шокталте,
Йўкан родо, сай кўслем,
У йўкет ден, чот йонгалтын,
Куандаре шемерем!

Олык Ипай

4. *Нине ой-влакым могай литературный герой каласен? Могай произведенийыште?* (4 балл)

А) «Поянын киндыже ең пўжвўдан, ең вўр йўршан... Тудын киндыжым кочмешкем, лучо шужен шинчем».

Б) «Тышан колена манын, огына ойгыро. Мемнан вўр гычын у илыш илана, у эрык толеш».

5. *Произведенийын жанржым да авторжым палемдыза.* (10 балл)

«Маскаиге», «Изи тумо», «Петю», «Акпатыр», «Марий кундем почмылан».

6. *Ончыктым могай герой-влак могай произведений гыч улыт? Произведенийын авторжо ден жанржым палемдыза.* (6 балл)

Огаптя, Анфиса, Кузьма

Пашай, Эвай, Тойблат

Мамаев, Арканов, Пётыр

7. *«Вўдшў йога – серже кодеи» повестьыште марий калыкын могай ончыклык лўмлў эргыже нерген ойлалтеш?* (2 балл)

8. *Пейзаж нерген умылымашым пуыза, пример дене пенгыдемдыза.* (3 балл)

9. *Палемдыме поэт да писатель-влакын чын да тўрыс лўмыштым возыза.* (5 балл)

С.Чавайн, Дим. Орай, Шабдар Осып, М.Шкетан, Йыван Кырля.